

SÁHKA 28.10.2021

Nuortalaččaid luohhtámušolmmoš Veikko Feodoroff

Sápmelaččaid duohtavuohhta- ja soabadankomisšuvnna ásaheapmi 28.10.2021

Stáhtaráđdi lea odne ásahan stáhtaráđi čoakkámis Sápmelaččaid duohtavuohhta- ja soabadankomisšuvnna. Geaidnu dán mearrái lea leamaš guhkki. Duohtavuohhta- ja soabadankomisšuvnna válmastallamis lea ságastallon nuortalašservošis juo máŋga jagi.

Nuortalaččaid árbevirolaš hálddabusvuogádaga Nuortalaččaid siidačoakkáma alimus mearridanválddi geavahan siidačoakkámiin ságastalaimet áššis vuosttaš gearde golbma jagi dás ovdal. Dalle adnojuvvui mávssolažžan, ahte nuortalaččat besset válljet komisšuvdnii, mii vejolaččat vuodđuduvvo, iežaset komissára. Seamma jagi sápmelaččaide lágiduvvoje gullandilálašvuodat, main almmustuhtton raporttas bođii nannosit ovdan sámi servoša eahpeluohhtámuš proseassa guovdu.

Diibmá bivddiimet nuortalašservoša dahkat Nuortalaččaid siidačoakkámii árvalusaid Sápmelaččaid duohtavuohhta- ja soabadankomisšuvnna lahttun. Mearrideimmet, ahte árvalit komissáran hálddabusdiehtagiid magisttar Irja Jefremoffa, gii návddaša nuortalašservoša viiddes luohhtámuša. Boahtán árvalusain servoša lahtut guottihe viidát su válljema komissáran.

Mii leat šiehtadallan Sámedikkiin ja Suoma stáhtain komisšuvnna mandáhtas ja gažaldagain, mat laktásit ásaheapmái. Oktan mávssolaččamus gažaldahkan lea leamaš psykososiálalaš doarjaga ordnen komisšuvnna barggu áigge. Mii háliidit buktit ovdan fuola nuortalaččaid psykososiálalaš doarjaga bálvalusaid oažžasuvvamis. Bálvalusat nuortalašgillii eai leat obanassiige, go komisšuvnna bargu bohtá johtui. Duohtavuohhta- ja soabadankomisšuvdna gieđahallá barggustis ja lokte ovdan váttes ja ja lossa fáttáid. Lea dehálaš dorvvastit psykososiálalaš doarjaga oažžasuvvama maiddái go komisšuvnna bargu nohká, daningo sáhtta vuordit, ahte doarjaga dárbu lassána duohtavuohhta- ja soabadankomisšuvnna áigge.

Giittán Nuortalaččaid siidačoakkáma beales Sámedikki ja Suoma stáhta ovddasteddjiid min čadahan šiehtadallamiin ja min ovtas bargan válmastallanbarggu ovddas. Komisšuvnna bargu álgá dás ja sávan komissáraide vuimmiid ja menestumi dán dehálaš bargui ja seammas maid lossa bargui. Nuortalaččain lea nanu jáhkku komisšuvnna barggu lihkostuvvamii.